



## საგრანტო კონკურსი

ცნობიერების ამაღლების კამპანია  
მრავალფეროვნების პატივისცემისა და დისკრიმინაციის წინააღმდეგ ბრძოლის შესახებ  
DAD-ADD/NHSCU(2019)16

<b>პროექტი</b>	დისკრიმინაციის, სიძულვილით მოტივირებული დანაშაულისა და სიძულვილის ენის წინააღმდეგ ბრძოლა საქართველოში
<b>მიმნიჭებელი უწყება</b>	<b>ევროპის საბჭო</b> ანტი-დისკრიმინაციული დეპარტამენტი, DG II.
<b>დაფინანსება</b>	ევროპის საბჭო, DANEP-ის ნებაყოფლობითი კონტრიბუცია
<b>ხანგრძლივობა</b>	პროექტები უნდა დასრულდეს 2020 წლის 30 მაისამდე, ანგარიშგებასთან დაკავშირებული ვალდებულებები უნდა შესრულდეს 2020 წლის 30 ივნისამდე
<b>სავარაუდო დაწყების თარიღი</b>	2019 წლის 17 ნოემბერი
<b>გამოქვეყნების თარიღი</b>	2019 წლის 16 სექტემბერი
<b>განცხადებების წარდგენის ბოლო ვადა</b>	2019 წლის 17 ოქტომბერი

# სარჩევი

I. შესავალი.....	3
II. მოკლე ინფორმაცია ევროპის საბჭოს პროექტის შესახებ .....	3
III. ხელმისაწვდომი ბიუჯეტი.....	4
IV. მოთხოვნები.....	4
1. ზოგადი მიზანი.....	4
2. განხორციელების გზები.....	4
3. განხორციელების ვადები .....	5
4. სამიზნე აუდიტორია .....	5
5. საბიუჯეტო მოთხოვნები.....	6
6. ზოგად მიზანზე დამატებით, პრიორიტეტი მიენიჭება:.....	6
7. არ განიხილება შემდეგი ტიპის ინიციატივები: .....	6
8. დაფინანსების პირობები: .....	6
9. ანგარიშგებასთან დაკავშირებული მოთხოვნები:.....	7
V. როგორ შევიტანო განაცხადი? .....	8
1. წარსადგენი დოკუმენტები:.....	8
2. კითხვები.....	8
3. განაცხადის წარდგენის ბოლო ვადა.....	9
4. განაცხადის ფაილში რაიმე ცვლილების ან შესწორების შეტანა.....	9
VI. შეფასებისა და შერჩევის პროცედურა .....	9
1. გამორიცხვის კრიტერიუმები: .....	9
2. შესაბამისობის კრიტერიუმები: .....	10
3. გრანტის მინიჭების კრიტერიუმები .....	11
VII. გადაწყვეტილების შეტყობინება და გრანტის ხელშეკრულების ხელმოწერა .....	11
VIII. სავარაუდო განრიგი.....	12

## დანართები

- დანართი I - განაცხადის ფორმა
- დანართი II - სავარაუდო ბიუჯეტი (ნიმუში)
- დანართი III - გრანტის შეთანხმების ნიმუში (მხოლოდ საინფორმაციო მიზნისთვის)

### როგორ შევიტანო განაცხადი?

- შეავსეთ და ხელი მოაწერეთ განაცხადის ფორმას (იხ. დანართი I)
- თან დაურთეთ სავარაუდო ბიუჯეტი (გამოიყენეთ ნიმუში, რომელიც წარმოდგენილია II დანართში)
- დაურთეთ დამხმარე დოკუმენტაცია:
  - დაგეგმილი აქტივობ(ებ)ის კონცეფცია;
- დოკუმენტები ელექტრონული ფორმით გააგზავნეთ შემდეგ მისამართზე (Word და/ან PDF ფორმატში): [tenders.antidiscrimination@coe.int](mailto:tenders.antidiscrimination@coe.int), სათაურში მიუთითეთ: **Georgia – small grant proposal**
- განაცხადი უნდა გააგზავნოთ **2019 წლის 17 ოქტომბრამდე (საქართველოს დროით შუალამედე)**

## I. შესავალი

წინამდებარე საგრანტო კონკურსი ცხადდება ევროპის საბჭოს პროექტის “დისკრიმინაციის, სიძულვილით მოტივირებული დანაშაულისა და სიძულვილის ენის წინააღმდეგ ბრძოლა საქართველოში” ფარგლებში. საგრანტო კონკურსი მიზნად ისახავს თანა-დაფინანსების უზრუნველყოფას იმ საუნივერსიტეტო პროექტებისათვის, რომელიც საზოგადოებრივ ცნობიერებას აამაღლებს შემდეგი მიმართულებებით:

- დისკრიმინაციის, სიძულვილით მოტივირებული დანაშაულისა და სიძულვილის ენის გავრცელება და ნეგატიური გავლენა ადამიანების კეთილდღეობაზე, მოწყველად ჯგუფებზე და ფართო საზოგადოებაზე საქართველოში;
- უმცირესობებისა და სხვა მოწყველადი ჯგუფების უფლებები და მრავალფეროვნება ქართულ საზოგადოებაში;
- დისკრიმინაციის, სიძულვილით მოტივირებული დანაშაულისა და სიძულვილის ენის მსხვერპლთა სამართლებრივი დაცვის მექანიზმები;
- საქართველოში მშვიდობასა და კეთილდღეობის უზრუნველყოფაში რა წვლილი შეაქვს ადამიანის უფლებებს, დემოკრატიულ ღირებულებებსა და საქართველოში მოქმედ ანტი-დისკრიმინაციულ კანონებს.

პროექტის წინადადებები მიზნად უნდა ისახავდეს ამ სფეროში ევროპის საბჭოს მიერ გაწეული ძალისხმევის დამატებითი ღირებულების შექმნას.

## II. მოკლე ინფორმაცია ევროპის საბჭოს პროექტის შესახებ

პროექტი მიზნად ისახავს გადაწყვეტილების მიმღებ პირებთან, იურიდიულ და სამართლებრივ უწყებებთან და სამოქალაქო ორგანიზაციებთან ადვოკატირებას და მათი ცნობიერების ამაღლებას, ექსპერტული ცოდნისა და გამოცდილების უზრუნველყოფას და კომპეტენციების განვითარებას, რათა მათ შეძლონ:

- დისკრიმინაციის, სიძულვილით მოტივირებული დანაშაულისა და სიძულვილის ენის მარეგულირებელი ეროვნული კანონმდებლობა, კანონქვემდებარე აქტები და მონიტორინგის მექანიზმი სრულ შესაბამისობაში მოიყვანონ ევროპულ (განსაკუთრებით, ECtHR, ECRI და FCNM) სტანდარტებთან;
- უზრუნველყონ მისი ეფექტური იმპლემენტაცია;
- გაზარდონ საზოგადოების პატივისცემა იმ კანონების მიმართ, რომელსაც წვლილი შეაქვს დემოკრატიაში, ადამიანის უფლებებში, ქართულ საზოგადოებაში მშვიდობასა და კეთილდღეობაში.

ზემოაღნიშნული მიზნების შესაბამისად, ევროპის საბჭო თანა-კოორდინირებას უწევს ცნობიერების ასამაღლებელ კამპანიას, სახელწოდებით “მე ვირჩევ თანასწორობას”. კამპანიის მთავარ აუდიტორიას წარმოადგენს ფართო საზოგადოება, კერძოდ, 30 წლამდე ასაკის ახალგაზრდები, დისკრიმინაციის შესაძლო მსხვერპლები, არა-სამთავრობო ორგანიზაციები და სამოქალაქო აქტივისტები, პროექტის დაინტერესებული მხარეების საზოგადოებასთან ურთიერთობის დეპარტამენტები და მედია წარმომადგენლები.

პროექტის პარტნიორები არიან: სახალხო დამცველის ოფისი, შინაგან საქმეთა სამინისტრო, იუსტიციის სამინისტრო, ადამიანის უფლებათა სამდივნო, პარლამენტი, შერიგებისა და

სამოქალაქო თანასწორობის საკითხებში სახელმწიფო მინისტრის აპარატი, განათლების, მეცნიერების, კულტურისა და სპორტის სამინისტრო, არა-სამთავრობო ორგანიზაციები, რომლებიც მუშაობენ დისკრიმინაციას საკითხებზე და უმცირესობების უფლებებზე, ლგბტ პირები და სხვა მოწყველადი ჯგუფები.

### III. ხელმისაწვდომი ბიუჯეტი

წინამდებარე საგრანტო კონკურსის ფარგლებში ხელმისაწვდომი სავარაუდო ბიუჯეტი არის 16 000 (თექვსმეტი ათასი) ევრო. ევროპის საბჭო აპირებს, რომ გასცეს ოთხი გრანტი, თითოეულის ოდენობა იქნება 3,000-4,000 (სამი ათასიდან ოთხი ათას) ევრომდე.

სახსრების ხელმისაწვდომობისა და პროექტის ვადის ხანგრძლივობის შესაბამისად, ევროპის საბჭო იტოვებს უფლებას, არ გასცეს მთლიანი ხელმისაწვდომი თანხა და/ან ხელმისაწვდომი თანხები სხვანაირად გაანაწილოს, რაც დამოკიდებული იქნება მიღებულ საპროექტო წინადადებებზე და საგრანტო კონკურსის შედეგებზე.

### IV. მოთხოვნები

#### 1. ზოგადი მიზანი

გრანტები დააფინანსებს პროექტებს, რომელთა მიზანიც იქნება საზოგადოებრივი ცნობიერების გაზრდა ქვემოთ ჩამოთვლილ ერთ ან რამოდენიმე საკითხთან დაკავშირებით:

- თანასწორობისა და ტოლერანტობის მნიშვნელობა;
- დისკრიმინაციის, სიძულვილით მოტივირებული დანაშაულისა და სიძულვილის ენის გავრცელება და უარყოფითი გავლენა ახალგაზრდების, მოწყველადი ჯგუფებისა და საზოგადოების კეთილდღეობაზე საქართველოში;
- პოპულისტური, ულტრა-მემარჯვენე და ექტრემისტული ნარატივის შედეგად წარმოქმნილ საფრთხეებთან ბრძოლა;
- უმცირესობებისა და სხვა მოწყველადი ჯგუფების უფლებები და ქართული საზოგადოების მრავალფეროვნება;
- სამართლებრივი დაცვის მექანიზმები დისკრიმინაციის, სიძულვილით მოტივირებული დანაშაულებისა და სიძულვილის ენის მსხვერპლთათვის;
- მულტიკულტურული საზოგადოების პატივისცემა.

#### 2. განხორციელების გზები

სასურველია, რომ პროექტები იყოს მაქსიმალურად კრეატიული, ხოლო მათი განხორციელების გზები, შესაძლოა, მოიცავდეს ისეთ აქტივობებს, როგორცაა თეატრალური წარმოდგენები,

ფილმები, მულტფილმები, შეჯიბრი დებატებში, იმიტირებული სასამართლო პროცესები, სამხატვრო გამოფენები, ცოცხალი ბიბლიოთეკები და სხვა.

იდეალურ შემთხვევაში, აქტივობები ჩატარდება და დაუკავშირდება კამპანიის ერთ-ერთი სამოქმედო დღის თემას:

- 8 მარტი ქალთა საერთაშორისო დღე
- 21 მარტი რასობრივი დისკრიმინაციის აღმოფხვრის საერთაშორისო დღე
- 8 აპრილი ბოშათა საერთაშორისო დღე
- 17 მაისი სამოქმედო დღე ჰომოფობიის, ტრანსფობიისა და ბიფობიის წინააღმდეგ
- 21 მაისი კულტურული მრავალფეროვნების დღე
- 22 ივლისი სიძულვილით მოტივირებული დანაშაულის მსხვერპლთა სოლიდარობის დღე
- 24 აგვისტო კონსტიტუციის მიღების დღე
- ოქტომბერი თბილისობა
- 8 ნოემბერი ილია ჭავჭავაძის დაბადების დღე
- 9 ნოემბერი საერთაშორისო დღე ფაშიზმისა და ანტი-სემიტის წინააღმდეგ
- 16 ნოემბერი ტოლერანტობის საერთაშორისო დღე
- 10 დეკემბერი ადამიანის უფლებების დღე

### 3. განხორციელების ვადები

პროექტების განხორციელება უნდა დაიწყოს 2019 წლის ნოემბერში (სავარაუდო განრიგი იხილეთ ქვემოთ, VIII სექციაში) და უნდა დასრულდეს 2020 წლის მაისის ბოლომდე.

ანგარიშგებასთან დაკავშირებული მოთხოვნები უნდა შესრულდეს, ყველაზე გვიან, 2020 წლის 30 ივნისამდე.

განაცხადების წარდგენის თარიღამდე დასრულებული პროექტები ავტომატურად გამოირიცხება. რაც შეეხება პროექტებს, რომელიც განაცხადების წარდგენის თარიღამდე ან საგრანტო ხელშეკრულების ხელმოწერამდე დაიწყო, ანაზღაურებას დაექვემდებარება მხოლოდ საგრანტო განაცხადის წარდგენის შემდგომ გაწეული ხარჯები (თუ შესაბამისი ხელშეკრულება ამას ითვალისწინებს).

### 4. სამიზნე აუდიტორია

პროექტის სამიზნე აუდიტორია უნდა მოიცავდეს:

- ფართო საზოგადოებას, განსაკუთრებით 30 წლამდე ასაკის ახალგაზრდებს, დისკრიმინაციის სავარაუდო მსხვერპლებს
- უმცირესობისა და მოწყველადი ჯგუფების წარმომადგენლებს
- არა-სამთავრობო ორგანიზაციებსა და ახალგაზრდა სამოქალაქო აქტივისტებს
- მედია წარმომადგენლებს

ეს ჩამონათვალი არ არის ამომწურავი და პროექტების სამიზნე აუდიტორია, შესაძლოა, სხვა დაინტერესებულ მხარეებსაც მოიცავდეს, პროექტის ზოგადი მიზნიდან გამომდინარე.

## 5. საბიუჯეტო მოთხოვნები

პროექტის წინადადებას თან უნდა ახლდეს სავარაუდო ბიუჯეტი (იხ. ბიუჯეტის ნიმუში, რომელიც II დანართშია წარმოდგენილი), მინიმუმ 3,000 (სამი ათასი) და მაქსიმუმ 4,000 (ოთხი ათასი) ევროს ოდენობით. სავარაუდო ბიუჯეტი უნდა იყოს თანმიმდევრული, ზუსტი, მკაფიო, სრული და ხარჯთ-ეფექტური, შემოთავაზებული აქტივობების შესაბამისად.

გრანტის მიმღებს, ასევე, მოეთხოვება წვლილის შეტანა პროექტში, საკუთარი სახსრებით ან მესამე მხარის კონტრიბუციებით. თანა-დაფინანსებას, შესაძლოა, ჰქონდეს ფინანსური ან ადამიანური რესურსების, არა-ფულადი კონტრიბუციის ან ინიციატივისა თუ პროექტის საშუალებით გენერირებული შემოსავლის ფორმა.

## 6. ზოგად მიზანზე დამატებით, პრიორიტეტი მიენიჭება:

- უნივერსიტეტების მიერ შემოთავაზებულ პროექტებს/ინიციატივებს, რომელიც პროექტის აქტივობებს გადააქცევს კურსის შემადგენელ ნაწილად;
- პროექტებს/ინიციატივებს, რომლის სამიზნე აუდიტორიასაც წარმოადგენენ ახალგაზრდები, უმცირესობები და დისკრიმინაციის მსხვერპლები, და/ან ახალგაზრდები და ქალები, რომლებიც უმცირესობის ჯგუფებს წარმოადგენენ;
- პროექტებს/ინიციატივებს, რომელიც ფართო საზოგადოების მონაწილეობას ითვალისწინებს.

## 7. არ განიხილება შემდეგი ტიპის ინიციატივები:

- პროექტები/ინიციატივები, რომელიც ითვალისწინებს მესამე მხარისათვის ფინანსური მხარდაჭერის უზრუნველყოფას (მესამე მხარეზე გრანტის გაცემის სქემები);
- პროექტები/ინიციატივები, რომელიც ძირითადად ან მხოლოდ შეეხება ინდივიდუალურ სტიპენდიებს სწავლისთვის ან ტრენინგ-კურსისთვის;
- პროექტები/ინიციატივები, რომელიც მხარს უჭერს პოლიტიკურ პარტიებს.

## 8. დაფინანსების პირობები:

თითვეული პროექტისათვის გათვალისწინებული დაფინანსება შემდეგნაირად გადანაწილდება:

- 80%-ის გადახდა მოხდება მხარეებს შორის საგრანტო ხელშეკრულების ხელმოწერის დროს;
- დარჩენილი თანხის გადახდა მოხდება რეალურად გაწეული ხარჯების საფუძველზე, მას შემდეგ, რაც ევროპის საბჭოს წარედგინება და მიიღებს საბოლოო თხრობით და ფინანსურ ანგარიშებს გრანტის იმპლემენტაციის შესახებ.

## 9. ანგარიშგებასთან დაკავშირებული მოთხოვნები:

- **თხრობითი ანგარიში** გულისხმობს გრანტის გამოყენების შესახებ სრულ თხრობით ანგარიშს, რომელსაც თან ერთვის აქტივობის ამსახველი ფოტოები და აუდიო-ვიზუალური მასალები და ადუტორიაზე წვდომის შესახებ სტატისტიკა. ევროპის საბჭო ფოტოებსა და აუდიო-ვიზუალურ მასალებს სამომავლოდ გამოიყენებს ცნობიერების ამაღლების მიზნებისთვის. გრანტის მიმღების პასუხისმგებლობაში შედის ფოტოებსა და აუდიო-ვიდეო მასალებზე გამოსახული ადამიანებისგან თანხმობის მოპოვება.
- **ფინანსური ანგარიშგება** გულისხმობს ანგარიშს იმ ვალიუტაში, რა ვალიუტაშიც გაფორმდა გრანტის ხელშეკრულება (ევრო ან ადგილობრივი ვალიუტა), ინგლისურ ენაზე, სადაც ასახული იქნება აქტივობების განსახორციელებლად გაწეული ხარჯები. ანგარიშგება სერტიფიცირებული უნდა იქნას გრანტის მიმღების პასუხისმგებელი ფინანსური ოფიცრის მიერ და მას თან უნდა დაერთოს "შესაბამისი დამხმარე დოკუმენტაციის ორიგინალები" (იხ. ქვემოთ). ევროპის საბჭო იტოვებს უფლებას, მოითხოვოს ინვოისების მოკლე თარგმანი ინგლისურ ენაზე. იმ შემთხვევაში, თუ სამართლებრივი მიზეზების გამო, გრანტის მიმღები ვალდებულია, დაიტოვოს ორიგინალი დოკუმენტები, ფინანსურ ანგარიშს თან უნდა დაერთოს სერტიფიცირებული ასლები.

"შესაბამისი დამხმარე დოკუმენტაციის ორიგინალები" გულისხმობს ხელმოწერილ კონტრაქტებს, ინვოისებსა და მიღება-ჩაბარების აქტებს (ყველა ტრანზაქციისთვის). ასევე, წარმოდგენილი უნდა იქნას გადახდის ავტორიზაცია ყველა ტრანზაქციასთან დაკავშირებით, იმ შემთხვევაში, თუ გრანტის მიმღები იყენებს ასეთ პრაქტიკას, და გადახდის მყარი მტკიცებულება (გადახდის ავტორიზებული დავალება და საბანკო ამონაწერი).

რაც შეეხება მრგვალ მაგიდებს/კონფერენციებს, "შესაბამისი დამხმარე დოკუმენტაციის ორიგინალები" გულისხმობს შემდეგ დოკუმენტებს: პროგრამა, სადაც მითითებული იქნება ღონისძიების სახელწოდება, თარიღები, ჩატარების ადგილი და დღის წესრიგი, ღონისძიების ორგანიზატორთა ვინაობა, მონაწილეების ხელმოწერილი სია, ხელშეკრულებები ფართის ქირავნობაზე, მონაწილეთა კვებაზე და ღონისძიების შედეგების შესახებ ანგარიში (იხ. თხრობითი ანგარიში ზემოთ).

რაც შეეხება საკონსულტაციო მომსახურებას, "შესაბამისი დამხმარე დოკუმენტაციის ორიგინალები" გულისხმობს მიღებული შედეგების დამადასტურებელ დოკუმენტებს, კონტრაქტებს ექსპერტებთან და კონსულტანტებთან, რომელიც შეიცავს განსახორციელებელი მომსახურების მკაფიო აღწერას, სამუშაოს შესრულებისა და ჩაბარების შემდგომ მიღებულ ინვოისებს (კონსულტანტების სპეციალობა უნდა იყოს განსახორციელებელი საქმიანობის შესაბამისი).

რაც შეეხება ექსპერტებისა და მონაწილეების მგზავრობასთან და განთავსებასთან დაკავშირებულ ხარჯებს, "შესაბამისი დამხმარე დოკუმენტაციის ორიგინალები" გულისხმობს, სადაც რელევანტურია, ტურისტულ სააგენტოსთან კონტრაქტს მგზავრობისა და განთავსების უზრუნველყოფაზე; ტურისტული სააგენტოს ინვოისებს, სადაც

მითითებული იქნება დანიშნულების ადგილი, მგზავრობის თარიღები, ბილეთის ღირებულება, მგზავრების ვინაობა; ღონისძიების პროგრამა, სადაც მითითებული იქნება ექსპერტების ვინაობა და მონაწილეების ხელმოწერილი სია.

ზემოაღნიშნული ჩამონათვალი არ არის ამომწურავი. "შესაბამისი დამხმარე დოკუმენტაციის ორიგინალების" მნიშვნელობის შესახებ ნებისმიერი ბუნდოვანების შემთხვევაში, გრანტის მიმღებმა ევროპის საბჭოს უნდა მიმართოს.

## V. როგორ შევითანო განაცხადი?

### 1.წარსადგენი დოკუმენტები:

თითოეული განაცხადი უნდა შეიცავდეს:

- განაცხადის შევსებულ და ხელმოწერილ ფორმას (იხ. დანართი I);
- სავარაუდო ბიუჯეტს (გამოიყენეთ ნიმუში, რომელიც წარმოდგენილია II დანართში);
- დაგეგმილი აქტივობ(ებ)ის კონცეფციას:
  - აქტივობების ვადები (რა კავშირი აქვს აქტივობებს კამპანიასთან)
  - აქტივობების ძირითადი გზავნილები, რატომ არის იგი მნიშვნელოვანი უნივერსიტეტისთვის/სტუდენტებისთვის
  - როგორ მოხდება კომუნიკაცია აქტივობების შესახებ და როგორ დაუკავშირდება აქტივობები კამპანიას "მე ვირჩევ თანასწორობას"
  - მოსალოდნელი წვდომა აუდიტორიასთან
  - როგორ მოხდება აქტივობების ინტეგრირება სტუდენტების მუშაობაში
  - აქტივობების მდგრადობა/შემდგომი განვითარება მათი დასრულების შემდეგ.

ქართულ კონცეფციას თან უნდა ახლავდეს კონცეფცია ინგლისურ ენაზე ( მაქს. 1 გვერდი), რომელიც მოკლედ შეაჯამებს ქართულ კონცეფციის ძირითად აზრს.

საკონკურსო კომიტეტმა, შესაძლოა, განმცხადებელს გარკვეული ცვლილებების შეტანა შესთავაზოს განაცხადსა და ბიუჯეტში.

არასრული განაცხადი არ განიხილება.

### 2.კითხვები

ზოგადი ინფორმაცია ხელმისაწვდომია ევროპის საბჭოს ვებ-გვერდზე:

<https://www.coe.int/en/web/portal/grants>

კონკრეტულად წინამდებარე საგრანტო კონკურსთან დაკავშირებული ნებისმიერი სხვა კითხვა შეგიძლიათ, კონკურსის დასრულებამდე მინიმუმ ერთი კვირით ადრე, გააგზავნოთ შემდეგ



მისამართზე, ინგლისურად ან ქართულად: [tenders.antidiscrimination@coe.int](mailto:tenders.antidiscrimination@coe.int). სათაურში მიუთითეთ: **Questions Georgia small grant proposal**

### 3. განაცხადის წარდგენის ბოლო ვადა

შევსებული და ხელმოწერილი განაცხადი, დამხმარე დოკუმენტებთან ერთად, ელექტრონული ფორმით (Word ან PDF ფორმატში) უნდა გაიგზავნოს შემდეგ მისამართზე: [tenders.antidiscrimination@coe.int](mailto:tenders.antidiscrimination@coe.int) სათაურში მიუთითეთ: **Georgia small grant proposal**.

განაცხადი უნდა გაიგზავნოს **2019 წლის 17 ოქტომბრამდე (საქართველოს დროით შუალაქმდე)**. დაგვიანებით მიღებული განაცხადები არ განიხილება.

### 4. განაცხადის ფაილში რაიმე ცვლილების ან შესწორების შეტანა

ნებისმიერი ცვლილება ან შესწორება განაცხადის ორიგინალ ფაილში გამოიწვევს შესაბამისი განაცხადის უარყოფას.

## VI. შეფასებისა და შერჩევის პროცედურა

წარდგენილ პროექტებს შეაფასებს შეფასების კომიტეტი, რომელიც შედგება საქართველოს განათლების, მეცნიერების, კულტურისა და სპორტის სამინისტროს, სახალხო დამცველის ოფისის, საქართველოში ევროპის საბჭოს ოფისისა და სამოქალაქო საზოგადოების წარმომადგენლებისგან.

პროცედურა ეყრდნობა გრანტის მინიჭების ძირითად პრინციპებს. ეს პრინციპებია გამჭვირვალობა, არა-რეტროაქტიულობა, გრანტიების არა-ერთობლიობა, არა-მომგებიანობა, თანა-დაფინანსება და არა-დისკრიმინაცია, ევროპის საბჭოს გრანტის მინიჭების პროცედურის 1374 წესის თანახმად, რომელიც 2015 წლის 16 დეკემბერს იქნა მიღებული.

განმცხადებლები და მათ მიერ წარმოდგენილი პროექტები უნდა აკმაყოფილებდეს შემდეგ კრიტერიუმებს:

#### 1. გამორიცხვის კრიტერიუმები:

ქვემოთ წარმოდგენილია გრანტის მინიჭების პროცედურიდან განმცხადებლის გამორიცხვის კრიტერიუმები:

a. განმცხადებელს დაეკისრა სასჯელი, საბოლოო გადაწყვეტილების საფუძველზე, შემდეგ ერთ ან მეტ ბრალდებასთან დაკავშირებით: კრიმინალურ ორგანიზაციაში მონაწილეობა, კორუფცია, თაღლითობა, ფულის გათეთრება;

b. იგი იმყოფება გაკოტრების, ლიკვიდაციის, საქმიანობის შეწყვეტის, გადახდის უუნარობის მდგომარეობაში ან კრედიტორებთან შეთანხმებაში ან ნებისმიერ მსგავს სიტუაციაში, რომელიც მსგავსი პროცედურიდან წარმოიქმნა, და ექვემდებარება რაიმე მსგავს პროცედურას;

c. მას ჩაბარდა *res judicata* ძალის მქონე გადაწყვეტილება, რომელიც ადგენს სამართალდარღვევის არსებობას, რაც გავლენას ახდენს განმცხადებლის პროფესიულ კეთილსინდისიერებაზე ან წარმოადგენს სერიოზულ პროფესიულ გადაცდომას;

d. იგი არ ასრულებს მასზე დაკისრებულ მოვალეობებს, რომელიც უკავშირდება საპენსიო კონტრიბუციების, გადასახადებისა და მოსაკრებლების გადახდას, იმ ქვეყნის კანონმდებლობის შესაბამისად, სადაც შექმნილია განმცხადებელი;

განაცხადის ფორმაზე ხელის მოწერით, განმცხადებლები აცხადებენ, რომ ისინი არ იმყოფებიან რომელიმე ზემოთ ჩამოთვლილ სიტუაციაში (იხ. **დანართი I, პუნქტი 12**).

ევროპის საბჭო იტოვებს უფლებას, განმცხადებელს შემდგომ ეტაპზე მოსთხოვოს შემდეგი დამხმარე დოკუმენტების წარდგენა:

- a), b) და c) პუნქტებთან დაკავშირებით, ცნობა ნასამართლობის შესახებ, რომელსაც გასცემს იმ ქვეყნის კომპეტენტური სასამართლო ან ადმინისტრაციული ორგანო, სადაც განმცხადებელი არის რეგისტრირებული. ცნობა უნდა ადასტურებდეს, რომ განმცხადებელი აკმაყოფილებს აღნიშნულ მოთხოვნებს;
- d) პუნქტთან დაკავშირებით, იმ ქვეყნის კომპეტენტური ორგანოს მიერ გაცემული ცნობა, სადაც განმცხადებელი არის რეგისტრირებული.

## 2. შესაბამისობის კრიტერიუმები:

გრანტის მისაღებად განმცხადებელი:

- სამართლებრივად უნდა წარმოადგენდეს საქართველოში მოქმედ უნივერსიტეტს;
- მას უნდა გააჩნდეს საკმარისი ფინანსური სახსრები (დაფინანსების სტაბილური და საკმარისი რესურსები) იმისათვის, რომ განახორციელოს შესაბამისი საქმიანობა იმ პერიოდის მანძილზე, რა პერიოდითაც მიენიჭება გრანტი და საკუთარი რესურსებით (მათ შორის ადამიანური და არა-ფულადი რესურსებით) მონაწილეობა მიიღოს მის განხორციელებაში;
- მას გააჩნდეს პროექტის წინადადებაში წარმოდგენილი აქტივობების განსახორციელებლად საჭირო საკმარისი ოპერაციული და პროფესიული შესაძლებლობები, ადამიანური რესურსების ჩათვლით;
- მას უნდა გააჩნდეს საბანკო ანგარიში.

კონკურსში მონაწილეობის მიღება შეუძლიათ უნივერსიტეტებს თბილისში, ქვემო ქართლში, სამცხე ჯავახეთში და აჭარაში.

იმ უნივერსიტეტებს, რომლებიც შესაბამისობის კრიტერიუმებს აკმაყოფილებენ, შეუძლიათ განაცხადები წარადგინონ ერთ ან მეტ ფაკულტეტთან დაკავშირებით, იმ შემთხვევაში, თუ ეს ფაკულტეტები და მათი პროექტები ერთმანეთისაგან მკაფიოდ განსხვავდება. უნივერსიტეტის ერთი და იგივე ფაკულტეტთან დაკავშირებით წარდგენილი რამოდენიმე განაცხადი გამოწვევს ამ განაცხადების დისკვალიფიკაციას.

### 3. გრანტის მინიჭების კრიტერიუმები

გრანტის მინიჭება მოხდება ზემოაღნიშნულ რეგიონებს შორის ბალანსის დაცვით.

განაცხადების შეფასება მოხდება შემდეგ კრიტერიუმებზე დაყრდნობით:

- ინიციატივის რელევანტურობა და დამატებითი ღირებულება წინამდებარე საგრანტო კონკურსის მიზანთან დაკავშირებით (20%)
- რამდენად აკმაყოფილებს ინიციატივა კონკურსის პირობებს და არის თუ არა იგი კამპანია "მე ვირჩევ თანასწორობასთან" კავშირში (20%)
- შემოთავაზებული ინიციატივის კრეატიულობა და ინოვაციურობა (20%)
- განმცხადებლის სავარაუდო ბიუჯეტის ხარისხი, სიზუსტე, მკაფიოობა, სისრულე და ხარჯთ-ეფექტურობა (20%)
- შემოთავაზებული აქტივობების მდგრადობა (20%)

## VII. გადაწყვეტილების შეტყობინება და გრანტის ხელშეკრულების ხელმოწერა

შერჩევის პროცესის დასრულების შემდგომ, ყველა განმცხადებელი მიიღებს წერილობით შეტყობინებას საბოლოო გადაწყვეტილებისა და შემდგომ ეტაპზე განსახორციელებელი ნაბიჯების შესახებ.

საგრანტო კონკურსის გამარჯვებულებს ევროპის საბჭო შესთავაზებს გრანტის ხელშეკრულების გაფორმებას (იხ. დანართი III, საინფორმაციო მიზნებისთვის), რითაც მოხდება სამართლებრივი ვალდებულებების ფორმალიზება. პოტენციურ განმცხადებლებს ვურჩევთ, ყურადღებით გაეცნონ ხელშეკრულების პროექტს, განსაკუთრებით კი გადახდისა და ანგარიშგების პირობებს.

VIII. სავარაუდო განრიგი

ეტაპები	სავარაუდო თარიღები
საგრანტო კონკურსის შესახებ ინფორმაციის გამოქვეყნება	2019 წლის 16 სექტემბერი
განაცხადების მიღების ბოლო ვადა	2019 წლის 17 ოქტომბერი
განმცხადებელთა ინფორმირება კონკურსის ფარგლებში მიღებული გადაწყვეტილების შესახებ	2019 წლის 1 ნოემბერი
საგრანტო ხელშეკრულებების ხელმოწერა	2019 წლის ნოემბერი
იმპლემენტაციის პერიოდი	2019 წლის ნოემბერი – 2020 წლის მაისი

\* \* \*